

¶ Auff den acht vñ zwein-
zigsten tage was da eyn
mitwoch in dem abrellen
vor imbis an der achteden
stund do ward graf adolf
von clewen zu herczogen
gemacht vnd ward im dz
lehen gelihem das herzog
thumb vnd waren da bei
die zwen curfürsten vñnd
der von sachssen vñnd der
marggraff vñ brandenbur-
geburggraf zu nürenberg
in irem geistlichen gewan-

de vñnd sachend zu vil cardin-
nal vñnd bischoff vñnd all
weltlich fürsten vñnd was
ein söliche herzschaft mit
rossen vñnd mit anderen sa-
chen so vor von dem burg-
grafen geschriben ist an sei-
nem einreyten

Dise figur. indest yenthal-
ben an dem nächsten blate
gemalet.
¶ Auff freitag nach samit
marcus tag do begiengent
die cardinale erzbischoff
vñnd bischof vñnd alle pfaf-
heyt sandt marcus creüz-
gang von münster gen He-
terhausen vñnd giengē da
mit neunezehen cardinale
sibentzehen erzbischof vñ
drey vñnd sibentzig bischof

vñnd alle pfaff heyt auch
vñset herz der künig zwen
curfürsten zehen herczogen
fünff gefürst grafen vñnd
fünffzig grafen vñnd alle
ander herzen riter vñ auch
knecht.

¶ An dem zwelfften tage
in dem mayen da zohe der
marggraff von meysen en-
weg mit grosser zierd.

¶ An dem dreytzehendem
tag im dem mayen do em-
pfieng herzog johannis vñ
bayren lehen an dē marckt
in der maß als vor von den
andern fürsten beschribē ist
¶ In dem procediert all ta-
ge wider babst benedicto

¶ In dem mayen an dem
sechs vñnd zweinzigsten
tag was da mitwochē vor
pfinngsten do begiengent
die von Costencz graf eber-
harten vom württenberge
säligen opffer zum thumb
Vñnd giengent die rät zu
allen altaren. An dem tag
do empfieng lehen des herz
magnus herzog zu sachse
vñnd bischof zu caminensis
wahla herzog in walgast
an dem oberen marckt im
den eren vñnd wörden als
vor benennt ist.